

TE HEEHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 10.

Atopa 1927.

Mat. 21.

*E na'na e poroi i na faaite toopiti na'u ra, ia tohu raua
na te ahu i te ahu paau, e ia hoê aê tausani, ia piti hanere,
e ia ono hoi ahuru i te mahana. (Apokalupo 11:3)*

Na Ite Tootoru

A TAI'O TATOU i te parau a te Atua tei roto i te II Ko-
rinetia 13:1, o tei na ô mai e, "O te toru hoi teie i
to'u haereraa'tu ia outou na. Tei te vaha o na ite toopiti
e tootoru ra e riro ai te mau parau atoa na ei parau mau."
Na roto i teie nei irava, e na irava atoa i roto i te Mataio
18:16; e te Deuteronomi 17:6, ua papuia tatou e, ia tiaturi
tatou i te parau a na ite tootoru e tia'i.

Te taiô noa nei tatou i te mau vea no te mau fenua atea
mai, e te tiaturi nei tatou i ta ratou mau parau, noa'tu e,
aita tatou i ite i na ite tootoru no taua mau parau ra. Te
tiaturi atoa nei tatou i te mau parau a te Atua, mai tei pa-
paihia i roto i te Bibilia, e aita'toa tatou i ite i na ite too-
toru no te papairaa i taua parau ra. Te na reira atoa nei
tatou i te tiaturi i te mau parau apî i faahitihia mai e te
tatou mau hoa.

Ua itea te hoé parau nehenehe e te parau mau i te mau mahana aénei, e te taió-noa-hia nei taua parau rahi ra i roto i te mau reó e te mau fenua e rave rahi ra. Ua nenei-atoa-hia te reira i roto i te reó Tahiti, e te oaoa nei te tahi mau taata i to ratou taióraa i te reira, no te mea tei roto i te reira te tahi mau parau moe a te Atua, e tei reira atoa te tahi mau faaiteraa no te parau tuatapapa o te mau taata no teie pae ao moana. Eaha râ taua parau nei, maori râ *TE BUKA A MOROMONA*.

E homa e, a hió i roto i taua buka ra, i nia iho i te api numera maha, e inaha, ua tupu taua parau ra ta tatou i taió na i roto i te Bibilia, oia hoi, na roto i te parau a na ite tootoru e papu ai te mau parau atoa ra. Te na ô maira taua parau ra e:

E PARAU FAAITE A NA ITE TOOTORU

Ia ite to te mau fenua atoa, e te mau nunaa atoa, e te mau reó atoa, e te mau opu atoa e taehia i teie nei buka e, ua ite matou, na roto i te maitai o te Atua ra, o te Metua, e o to tatou Fatu ra o Iesu Mesia, i te mau api no reira mai teie nei papaa parau, o te papaa parau ia no te ati Nephi, e no te ati Lamana, to ratou mau taeae, e no te mau taata hoi o Iareda ra, o te haere mai mai te pare maira o tei parauhia ra; e ua ite atoa hoi matou e, ua iritihia teie nei parau e te horoa e te mana o te Atua ra, no te mea ua faaite mai oia i te reira ia matou i to'na reó; e no reira i ite papu ai matou e, e parau mau ia ta teie nei buka. E te faaite atoa atu nei matou e, ua ite matou i te mau parau i ootihia i nia iho i te mau api ra; e ua faaitehia mai ia matou e te mana o te Atua, e ere ia te mana o te taata. E te faaite atu nei matou mai te parau mau e, i fâ maira te hoé melahi a te Atua no te raí mai, e ua hopoi maira, e ua tuu maira hoi oia i taua mau api ra i mua ihora i to matou mata; e ua ite matou i taua mau api ra, e te mau parau i ootihia i nia ihora; e ua ite hoi matou e, na roto i te maitai o te Atua,

te Metua ra, ē no to tatou Fatu ra, no Iesu Mesia, i ite ai matou e te faaite atu nei hoi e, e parau mau ia teie mau mea nei; e mea maere hoi ia ia matou, area ua faaue mai-ra te reó o te Atua ia faaite atu matou i teie parau nei: e teie nei, ia haapao matou i te mau faaue a te Atua ra, te faaite atu nei matou i teie mau mea. E ua ite papu matou e, mai te mea e haapao matou i ta te Mesia ra, e mâ to matou ahu i te toto o te mau taata'toa ra, e e tia hoi i mua i te haavaraa a te Mesia ma te porao ore, e e parahi i pihai iho ia'na i te raí ra e a muri noa'tu. Ei te Metua, e i te Tamaiti, e i te Varua Maitai, hoé roa ia Atua, te hinuhinu. Amene.

OLIVER COWDERY,

DAVID WHITMER,

MARTIN HARRIS.

E homa, teihea te parau i faaitehia mai, mai te reira te huru? Noa'tu e, ua taiva ē atura ratou tootoru i rapae au i te Ekalesia a Iesu Mesia, te vai papu noa ra, to ratou mau manaó no nia i to ratou orama, e ta ratou parau faaite, e tae noa'tu i te mahana a pohe ai ratou ra.

Aita e hoé faufaa i roaa ia ratou tootoru no ta ratou parau faaite maori râ ua mâ to ratou ahu i te toto o te mau taata atoa ra, no te mea ua tuu mai ratou i ta ratou parau, e ua haamau ratou i te reira i to ratou na i'oa, e i teie nei tei te taata te fariiraa i te parau ta ratou i faaite mai, ia roaa ia ratou te maramarama no te Evanelia o Iesu Mesia.

“E o teie ta'u aó ia outou na, ia itea teie nei mau parau ia outou, e ui atu i te Atua, i te Metua mure ore ra, i te i'oa o Iesu Mesia e, e parau mau anei teie mau parau, e aore anei; e ia ui atu outou ma te aau hinaaro mau, ma te manaó papu, e ma te faaroo i te Mesia, na'na ia e faaite mai i te parau mau ia outou na roto i te mana o te Varua Maitai;” (Buka a Moromona, Moroni 10:4)

—*Papaihia e Elita.*

Te Mau Hoa o te Tau Mahanahana

[A TAPO TATOU i teie parau i nia nei, e tupu paba to tatou manaó e, eaha râ teie parau? "Te Mau Hoa o te Tau Mahanahana," e faaauraa hoi ia no te aha? E hoa ino ma e, e i'oa teie i tuhia mai i nia iho i te taata tei taiva ê atu i te Ekalesia mau i muri aé i te taparahiraahia o te Peropheta: e tana mau taata ra, na ratou te Ekalesia Sanito i faatia.

Tera to'na faaauraa; oia hoi, te vai nei i roto i te fenua Amerika e piti huru tau, oia hoi, te tau mahanahana e te tau toetoe. Ua ite anaé outou e, e mea au ore roa te toetoe. Oia'toa ia i te fenua Amarika. E mea au ore hoi te tau toetoe ia ratou; no te aha? no te mea, ua iti te ohipa ua pohepohe te mau raau o te fenua, aita'tu e maa, maori râ; te haapuehia i te tau mahanahana. No reira, ua riro te tau toetoe, ei tau riária. E mea huru ê râ te tau mahanahana, no te mea, ua tupu faahou mai te mau raau e rave rahi; ua hotu hoi, e ua riro ei maa na te taata, ua rahi hoi te ohipa; ua riro mau ia ei tau oaoa rahi.

No reira, a hiópoa tatou; eaha te tumu i riro ai te mau aratai te no Sanito ei mau hoa i te tau mahanahana, e eiaha i te tau toetoe atoa.

I muri aé i te taparahiraahia o Iosepha rana Haeramu ua manaó ihora te enemi e, no te mea ua pohe Iosepha, e pohe atoa te Ekalesia, e no reira, ua faaea rii te hamani-ino-raa i nia i te Ekalesia. Ua riro mau te reira tau ei tau mahanahana no to te Ekalesia, noa'tu to ratou oto rahi, i te peropheta i pohe ra. I te reira tau, ua parahi mai te mau aratai no te Ekalesia Sanito i roto i te Ekalesia mau, i raro aé i te faatereraa o te mau Aposetolo, mai te peapea ore.

I te taima i tae mai ai te mau ino e rave rahi i nia i te

Ekalesia, o te haamataraa ia o te tau toetoe; aita teie mau faahua hoa i parahi mai, ua horo râ ratou, e imi i te vahi maitai aé

E piti noa iho aratai e ferurhia i roto i teie nei parau oia hoi o Iasona Birigi (Jason Briggs) e Zenota Gulole (Zenon H. Gunley). E hiópoa tatou ia raua, ia ite-papu-hia e, e tau hoa raua no te tau mahanahana, eiaha râ no te tau toetoe. Eite taimé i roohia'i te Ekalesia i te ati ra, ua faarue raua i te Ekalesia.

Ua fanau Iasona Birigi i te 25 no Tiunu i te m. 1821. Ua amui oia i roto i te Ekalesia nei i te m. 1841; area râ, te rahiraa o to tatou ite i teie taata, no roto mai ia i te parau tuatapapa i papaihia e te Sanito. Ua parahi noa oia i Beloi Wisiconisi (Belot Wisconsin) mai te m. 1842 e tae noa'tu i te m. 1854. Ua parahi oia i raro aé i te faatéreraa o Birigama Youne e te mau Aposetolo, e tae noa'tu i te m. 1846. (Parau Tuatapapa Sanito 3:737) A feruri tatou, teie te tau i haamata mai ai te peapea rahi i nia i te Ekalesia. I te matatamua no taua matahiti 1846 ra, i tiaihi-ê-hia'i te Feia Moá i Navu; to'na hoi ia faarueraa i te Ekalesia. (E ere anei oia, e hoa mau no te tau mahanahana?

I to te Feia Moá haereraa i te tooa o te râ, ua amui atura Iasona ia Iakoba Sarane; (James J. Strang) riro ihora oia ei orometua no'na. I te m. 1850 ua faarue oia ia Sarane, e ua amui atura ia Viliamu Semita, o tei hurihia na i rapae au i taua Ekalesia ra. Ua riro Iasona ei Aposetolo i roto i te Ekalesia a Viliamu Semita i te m. 1851, e i te m. 1852, ua amui atura oia ia Zenota Gurole, e i te m. 1860 ua faatia raua i te Ekalesia Sanito. I te m. 1886, ua faarue atura oia e te utuafare o Zenota Gurole (eiaha Zenota iho) i te Ekalesia ta'na i faatia.

I te 15 no Tenuare i te m. 1841, ua horoa mai te Atua i te faaueraa i to te Ekalesia ia putuputu mai ratou i Navu e te mau vahi fatata mai. Ua tapiti faahou mai te Atua i te

reira faaueraa i te 24 no Me i taua matahiti ihora. Teie te vahi i ferurihia: ahiri e, e taata haapao Iasona, e e taata faaroo hoi, aita oia i parahi noa i Beloi mai te m. 1842 e tae noa'tu i te m. 1854; ua putuputu mai râ oia i Navu, e tauturu i te paturaa i te hiero; no te mea râ, e melo paruparu oia, e te haapao ore, aita oia i amui mai. Teie anei te huru o te taata ta te Atua i maiti ei peretideni tia i no ta'na ra Ekalesia?

E teie nei, a hiôpoa tatou ia Zenota Gurole. Ua fanau oia i te 29 no Me i te m. 1801. Ua faatoroahia oia ei hitu ahuru i Navu i te m. 1844; e i te 6 no Eperela 1845 ua riro oia ei peresideni, no te pupu piti ahuru ma hoé, o te hitu ahuru (Feruri tatou, tei raro aé oia i te faatereraa o Birigama Youne e te mau Aposetolo a riro ai oia ei peresideni no te pupu hitu ahuru.) Ua haamaitahia oia raua ta'na vahine i roto i te hieo i te 6 no Tenuare 1846. Teie mau parau no Zenota, no roto mai ia i te mau minute o taua pupu hitu ahuru ra. E mea rahi ta'na mau parau faaitoito; e e rahi hoi ta'na mau faaiteraa papu no te ohipa a te Ekalesia. Area râ, i te taeraa mai o te vero, aita'toa oia i parahi mai.

E te mau taata Sanito e, tera mai te huru o te niu o ta outou Ekalesia; e mea huru paruparu atoa. No reira, e mea tia ia outou ia faaho'i i to outou fare i nia i te niu ofai mau ta outou i faarue i te matamua ra. Ia vai'ho-noa-hia râ mai tena te huru, e parari mau ia. Aita'nei outou e ite nei e, te hautiuti noa ra i nia iho i to'na tiaraa? e eita e maoro, e topa mau taua fare ra. No te aha râ e topa'i? No te mea ua faatiahia te reira e te taata, i nia i te hoé heheuraa haa-vare a Iasona Birigi. Na'na iho i parau e, e ere te reira heheuraa te parau mau.

E te mau hoa e, tera mai ia te huru mau, a farii mai i te reira ei maa varua; ia araara to outou mata, ia ite-papuhia te purumu mau. Ia ora na

—Papaihia e Ioane Orotona

Te Faaroo no te Feia Mo'a Mau.

Ua iritihia teie nei parau na roto mai i te buka, Te Faaroo no te Feia Mo'a Mau tēi papaihia e Tamate; Faaauhia ei reo Tahiti e Ioane Orotona.

*Te faaroo nei matou e, o taua mau faaueraa ra; * * *
te toru ra, te baptizoraa ia i raro i te pape ia matara te hara; **

(E tuatiraa teie nei parau.)

UIRATA 20 Eaha te hoé mea tei faatupu i te aroha e te here i roto i te aau o te taata?

P. Tera taua mea ra, oia hoi, na roto i to tatou iteraa e, e amui-faahou-hia te taata i te taata i te ao ra; i te huru utuafare, na roto i te baptizoraa no tei pohe.

Parau Tauturu: Ua haapii maira Iosepha Semita e, ia ore e taatibia te feia metua i te tamarii e tairihia te fenua nei i te ino. (B. F. 128:18) Aita te metua, e aita hoi te tamarii e tae i te iraa o te maitai, maori râ, na roto i te hoé taatiraa i ropu ia raua. E taua taatiraa ra, o te baptizoraa hia ia o tei ora nei no tei pohe. Ua maramarama te parau papai i to'na faaiteraa i te faafariuraa i te mau tamarii i te mau metua, e te mau metua i ta ratou mau tamarii. Ia ite te mau tamarii e, eita e roaa ia ratou te iraa o te maitai, maori râ, na roto i to ratou mau metua; e faarahihia e e faaetaetahia hoi to ratou faaroo, e no reira, e imi ia ratou i te ohipa maitai atoa no te faaoraraa i to ratou mau metua. E ia ite tei pohe i te ohipa e ravehia nei e ta ratou mau tamarii, e tauturu atoa mai ratou, na roto i te faatupuraa i te faaroo i roto i te aau o ta ratou mau tamarii.

Ua hān to te taata parau tia here i to'na Atua i te mau mea'toa nei. Ua here atoa râ oia i to'na utuafare, i te here atoa i roto i to'na ra aau. E ahiri e, ua faaorehia te huru utuafare i roto i te ao ra, ua faaore-atoa-hia te rahiraa o to te taata oaoa, ia tae oia i reira. No reira, na roto i te aroha o te Atua, na tia i te taata, tei farii i te evanelia o te Mesia, ia riro ei faaora no to'na ra utuafare i roto i te ao

nei, e tae noa'tu ia ratou o tei pohe, na roto i te haapaoraa i te mau faaueraa i horoahia mai e te Atua ra.

Uiraa 21 Ia oti to te taata pohe bapetizoraahia, ua oti anei ta'na ohipa i reira?

P. Aita roa. E mea faufaa ore te ohipa i ô nei, ahiri e, aita i tauturuhia mai, na roto i te tahi ohipa i tera'tu pae o te ao. Te poro-haere-hia nei te evanelia i reira, e na roto i te reira, te faaroo nei ratou i te huru o te ohipa e ravehia nei e te mau tamarii i roto i teie nei ao. Na roto i te mau heheuraa o teie tau hopea nei, ua ite papu tatou e, te vai ra te mau ohipa tei ore e tia ia rave i te ao varua ra, oia hoi, te bapetizoraa, te tuuraa rima no te horoaraa i te Varua Maitai, e vetahi atu oroa moá; e no reira ia ravehia te reira mau ohipa e tei ora nei, no tei pohe e tia'i. Aita râ te mau varua e faahepohia i te farii i teie ohipa. Ua ne-henehe ia ratou ia patoi, e aore râ/farii, mai te au i to ratou haehaa e to ratou hinaaro hoi i te evanelia. Area, e fariihia teie mau ohipa mai te oaoa, a ite ai ratou i to ratou tiaraa mau.

Uiraa 22 E faufaa anei to te hieo? R

P. E e faufaa rahi to te hieo. E ia faatiahia te hoé mau hieo e tia'i, no te haapaoraa i te oroa no te faaoraraa i tei phoe, e vetahi atu â oroa hoi no te maitai o tei ora nei. No reira, ia faaitoito te mau taata e tia'i i te paturaa i te hoé mau fare maitai e te nehehe hoi i te Atua. I te mau na tau atoa o teie nei ao, ua riro te Feia Moá ei feia patu hieo. R I muri aé i to Iseraela aratai-ê-raa-hia i rapae au i te fenua Aiphiti, na faaue mai te Atua ia ratou, e faaineine i te tahi vahi moá no'na; e tia'i ia'na ia farerei ia ratou i taua vahi ra, e haapii maitai mai ia ratou i ta'na ra parau. Ua titau hoi Oia i te mau mea maitatai e te taoá rahi no te faatiaraa i taua tiahapa ra. (Exodo i te pene 25) Ua faaite mai hoi te Atua i to'na fariiraa i te reira na roto i to'na fâraa mai,

e to'na faaiteraa mai i to'na mana hopea ore i roto i taua vahi ra. (Exodo 40:34-38) A tae atu ai ratou i te fenua i parauhia ra, ua faatiahia te tiahapa amuiraa i Silo. (Iosua 18:1) Ua faatura-noa-hia râ, e ua haamanaóhia hoi no to'na ra huru moá e tae noa'tu i te tau, ua monohia te reira e te hie/o o Solomona. (I Arii pene 6 e te 8)


Teie hie/o o Solomona ra, te hoé ia paturaa tei hau i te nehenehe i te mau paturaa atoa o taua tau ra. E mea poto râ to'na vairaa; no te mea, e maha ahuru matahiti i muri aé, ua paapaahia taua hie/o ra i te auahi. Ua patu-faahou-hia râ te hie/o, i muri aé i to te Ati Iuda faaora-raa-hia, aita râ i faaoti-roa-hia, mai te hie/o o Solomona ra, ua pa-rauhia râ te hie/o o Zerubabela; e ua vai noa te reira hie/o e pae hanere matahiti. I muri mai râ, ua faaapîhia ia e Heroda. Ua mahaehia te paruru o teie hie/o i te taime i faasataurohia'i Iesu; e e hitu ahuru matahiti i muri iho, ua haamou-roa-hia te reira hie/o e Tita ra. o out

Uiraa 23 Eaha te hie/o?

P. Ere te heilo te hoé fare pureraa, e ere atoa ia te hoé fare putuputuraa. Teie râ to'na auraa mau, oia hoi, te hoé ia fare i faaineinehia, e i haamaitaihia i te Atua, e ua tapaohia e to'na fariiraa, no te haapaoraa i te mau oroa no te Autahuáara Moá.

Parau Tauturu: Mai te tau no Iesu e tae noa mai i teie nei mau mahana, aita hoé hie/o i patuhia i te hitia o te râ ra, oia hoi, i te mau vahi i patuhia'i te mau hie/o i te matamua ra. Ua riro te Feia Moá o te tau hopea nei, e itaípe no te Feia Moá Tahito, na roto i to ratou patu-noa-raa i te mau hie/o e rave rahi i tera vahi e i tera vahi. I muri iti aé i te faatia-raa-hia o te Ekalesia i teie tau hopea nei, ua faaite maira te Atua no te hoé hie/o e faatiahia. (B. F. 36:8) E i te avae Tiurai i te matahiti 1831, ua faaite mai ra te Atua i te hoé vahi i Inidipenideni Missouri ei tiaraa no te hoé hie/o; (B. F. 57:3) aita ê â râ i patuhia taua hie/o ra.

Ua faatia te Ekalesia a Iesu Mesia i te Feia Moá i te Mau Mahana Hopea Nēi i te mau hieſo i te mau vahi i faa-itehia i raro mai, oia hoi: Ketelani, Ohaio; Navu, Ilinoi; St. George, Utaha; Logana, Utaha; Manatai, Utaha; Roto Miti, Utaha; Caradona, Canada; Laie, Hawaii; e Mesa, Arizona. Ua faaruehia te hieſo i Ketelani, e i Navu, no te mea, ua tiahihia te Feia Moá i taua fenua ra. Ua riro te hieſo i Ketelani ei fare pureraa no te hoé haapaoraa tei ore e tiaturi i te ohipa moá tei opuahia no te hieſo. Ua haamou-roa-hia râ te hieſo i Navu.



TOEA O TE HIERO NO TE FEIA MO'A I NAVU,
O TEI MOU I TE AUahi

Te Mau Parau Apî

A tere ai te hoé pahi mai te fenua Tinito e tae roa'tu i te fenua Marite, ua parari te hoé ophi rahi, e 16 avae to'na roa, i to'na afata vairaa haere atura i roto i te mau piha o te mau mataro o te hororaa ia ratou. Ua taputô ihora ratou ia'na, e i te hopea ua haavîhia taua ophi ra e tuuhia'tura i roto i te tahi vairaa apî.

Ua faatiahia te hoé socaete apî i te fenua Rutia. Te manaó nei te mau melo no taua socaete ra e, e ora te mau huru maí atoa na roto i te haapaeraa i te maa no na mahana e maha ahuru. O Souvorine ia te i'oa o te taata faatere no taua pûpû ra. E piti matahiti aénei a vai ai oia i roto i te fare auri ra, ua haapae oia i te maa e maha ahuru mahana ei patoiraa no to'na tapearaa, i te hopea no taua mahana ra ua vitiviti maitai to'na tino, e ua amu maitai oia i te mau huru maa'toa. Mai reira mai â ua haapii noa oia i to'na manaó i te mau taata ta'na i farerei, e i teie nei mau mahana ua huru rahi ta'na mau pîpî.

I te oire rahi ra o London, te feruri nei te mau taata faatere pereoo uira, i te hoé huru faatereraa apî roa. E rave rahi te mau tane e te mau vahine rave ohipa i roto i taua oire rahi ra, e ia tae te hora faaearaa ohipa, ua rû noa ratou atoa i te paiuma i nia iho i te mau pereoo. No te puai o to ratou rû i te haere, ua pepe te tahi no ratou, e no reira ua manaó te mau taata faatere o te mau pereoo ia faahorohia te tahi mau pereoo no te vahine anaé ia ore taua peapea e tupu i te rahiraa. Na Rose Squire, oia hoi, te peresideni no te apooraa vahine i Baratane, i faatupu taua manaó ra i roto i te mau taata faatere pereoo.

I te fenua Siberia, ua taviri e 14 taata manaó nevaneva ia ratou iho, i roto i te hoé fare pureraa, tutuhi i hora i te reira i te auahi paapaa'tura, pohe roa'éra ratou atoa. Ua manaó ratou e, ia na reira ratou ua faatura te Atua i to ratou hinaaro ia ore te mau taata orure hau (bolsheviks) e tae i roto i to ratou fenua.

Te hamani nei te Hau Farani i te hoé purumu auri no te mau huru pereoo puaahorofenua e te pereoo uira (auto) atoa hoi. Tei roto taua purumu ra i te oire ra i La Mans. Te imi nei te hau i te ravea e maitai ai te mau purumu i roto i taua fenua ra e no reira i manaó ai ratou e, e mea maitai ia te purumu auri no te mea eita oia e ino vave.

Ua faahuru-ê-hia te huru o te tahi mau pahi auahi i teie mau mahana, no te mea, ua tuuhia te mau machine, (deisel) mai te huru i tei roto i te mau pahi no Tahiti nei, i roto i taua mau pahi ra. E no te mea aita e faufaa faahou to te haapupuhiraa anauahi i nia iho i te pahi, ua iriti-ê-hia te reira, e ua faanehenehia te pae i nia no te tapaeraa i te mau pahi reva.

Ua iriti-apî-hia te hoé tuio pape rahi i roto i te fenua Farani. Tei ropu taua tuio pape ra i te oire Berre e te oire ra o Marseilles, e hoé ahuru ma pae maile te atea. Ua pau e hoé ahuru e ma pae matahiti no te heruraa i taua tuio pape ra, no te mea tei raro i te mau mouá e pae maile no to'na roa, e e ohipa iti rahi ia i te heru i taua apoo ra i roto i te ofai i reira ra. E piti ahuru e ma piti metera ia te aano no te reira apoo, e na pau e ono milioni dara, (moni Mari-te) i te heruraa i taua tuio pape maere ra.

Alma G. Burton Imprimeur,

Rue Brea et de la rue Dumont d'Urville, Orovini, Papeete